



تاریخ وادستات

حامد ۱۳۳۶

مجموعه

برکون بیلنیر قیسی مجموعه ملاما
پلاچوق آوانیر اورتهده مجموعه بولمیز

ایتدک شرف خدمت اجدادی فراموش
آثارینه اسلافنک رغبت اولمیز

ادبیات

مسجد عالی

ای خوابکه حضرت پیغمبر و شیخین
ای حجره پرفیض و برانوار کوزلسک
فخر ایله مقامکده سماوات علایه
ای قبه خضرای شرفبار کوزلسک
ای سجده که جمع ملک روضه رضوان
ای صحن صفا بخش و صفادار کوزلسک
ای منبر والا علم دین معلا
ای هیکل حریت افکار کوزلسک
چاروب درك شهر جبریل امیندر
آرامکه سید ابرار کوزلسک
ای مهبط فیض ازلی مسجد عالی
بی نقش و نگار کل و کلزار کوزلسک
امین فیضی

— مجموعه —

مرض کمال تقدیر ایدرز .

نظیره عاجزانه

ای روضه سلطان سرا پرده لولاک
آفاق عوالم ایدر اقرار کوزلسک
خاصیت فیض صمدی سنده نهاندر
ای روح نجات دل بیمار کوزلسک

ای مرقد پیغمبر خلاق عوالم
ای جنت جمعیت ابرار کوزلسک
ای روی زمین تاجی اولان قبه پرنور
ای کوهر نادیده امصار کوزلسک
ماء علمک اولده ای قبه خضرا
جان عالنه ناشر انوار کوزلسک
ای هیئت مجموعه اشیا ده کی شهیت
ای مطلع خورشید ضیابار کوزلسک
اولش سکا مهمان مغلده شه کونین
آغوش حریمکده یاتار یار کوزلسک
ای بوسه که سلسله آدم و حوا
اولش کل وکلشن سکا دلدار کوزلسک
علی امیری

فہیم قدیم

ای وجودک پرتوندندر عدیم اولوق بکا
واجب اولدی سایه مهر قدیم اولوق بکا
جوهر ذاتکله قائم برضر صدر لامکان
متمندر حیز علمک علیم اولوق بکا
عقل کل ویردک بی جبریل معنا ایلدک
بزم قرب اقدسه لایق ندیم اولوق بکا
هر تجلیدن هیولا ابتد بیك صورت قبول
چوققیدر آینه طبع سلیم اولوق بکا
حکمتک فہم ایلز طبع سلیمی اولیان
لازم اولدی ہم حکیم و ہم فہیم اولوق بکا